

SCRIPT OF EVENING GOJRI NEWS BULLETIN 11MAR 2026  
1700HRS

اوننگ گوجری نیوز بولیٹن 11 مارچ 2026

\*\*\*\*\*

یوہ آکاشوانی جموں بے غلام سرور تے نصرت چوہدری تیں خبر سَنو۔

\*\*\*\*\*

HEADLINES

۱۔ وزیر اعلیٰ عمر عبداللہ نے نویں دلی مانہ چل رہیا ریزیڈنٹ کمیشن غا کم کاج غو جائیزو لیو تے جموں کشمیر غا منصوباں نانہ ویلے سر مکمل کرن ور زور دتو۔

۲۔ وزیر جاوید احمد رانا نے ضلع پونچھ غا مینڈھر مانہ بیلی پیڈ تے انتظار گاہ غی تعمیر بارے 3.35 کروڑ روپیاں غی منظوری ور وزیر اعلیٰ غو شکریو ادا کیو۔

۳۔ مشرقی وسطیٰ یعنی میڈل ایسٹ مانہ کشیدگی غے پیش نظر وزیر ستیش شرما نے جموں کشمیر مانہ پٹرولیم غا ذخیرہ غی صورتحال غو جائیزو لیو تے ایندھن غی بلا رُکاوٹ فراہمی نانہ یقینی بنان ور زور دتو۔

۴۔ جموں کشمیر حکومت نے موسمیاتی تبدیلی غا عملی منصوبہ ور عمل در آمد ، غی نگرانی واسطے یو ٹی غی سطح ور ایک رہنما کمیٹی غی تشکیل نانہ منظوری دے دتی ہے۔

۵۔ محکمہ موسمیات نے جموں کشمیر مانہ 19 مارچ توڑی رُک رُک غے بارش تیں برف باری غی پیش گوئی کی ہے۔

\*\*\*\*\*

CM RESIDENT COMMISSION

وزیر اعلیٰ عمر عبداللہ نے ایک اعلیٰ سطحی میٹنگ غے دوران نویں دلی مانہ چل رہیا ریزیڈنٹ کمیشن غا کام کاج غو جائیزو لیو۔ انہاں نے اہم ترقیاتی منصوباں غی پیش رفت تے جموں کشمیر تیں متعلق جاری کماں غو وی جائیزو لیو جہیڑا بکھ بکھ ریاستاں مانہ لاگو کیا جارہیا ہیں۔ کارکردگی تے جوابدہی ور زور دیتا واں وزیر اعلیٰ نے عہدے داراں نانہ ہدایت جاری کی جے وے کل منصوباں نانہ ویلے سر پورو کرن ور زور دیں۔ انہاں نے متعلقہ محکماں نال تال میل نانہ مضبوط بنان تے مرکزی زیر انتظام علاقہ تیں باہر ربن آلا جموں کشمیر غا باشنداں بارے خدمات غی فراہمی نانہ بہتر بنان غی ضرورت ور زور دتو۔ اس سلسلہ مانہ عہدے داراں نے انہاں نانہ موجودہ اقدامات تے درپیش مسائل تے گُنباں بارے امدادی سہولیات نانہ بدھان بارے چایا جان آلا اقدامات تیں آگاہ کیو۔

RANA HELIPAD

جموں کشمیر حکومت نے ضلع پونچھ غا مینڈھر علاقہ گا قصاب مانہ بیلی کپڑ غا اڈہ تے ویٹنگ لانج غی تعمیر واسطے 3 کروڑ 35 لکھ روپیاں غی منظوری دتی ہے۔ وزیر جاوید احمد رانا نے اس منصوبہ غی منظوری ور وزیر اعلیٰ عمر عبداللہ غو شکریو ادا کیو ہے۔ ایک سماجی میڈیا پوسٹ مانہ وزیر نے کہیو جے اس بُنیادی ڈھانچہ سنگ بنگامی صورتحال مانہ کاروانی نانہ بہتر بنایو جے

غو تے اس خطہ مانہہ عوامی رسائی نانہہ وی بدھا دتو جے غو انہاں نے کہیو جے ہیلی پیڈ خاص طور ور طبی ہنگامی حالات تے آفات غی حالات مانہہ فائدہ مند ثابت وے غو۔ اس ڈھانچہ تین مینڈھر تے دور دراز علاقہ تے قریبی علاقہ مانہہ بسنیکاں غو بہتر رابطہ ممکن وے غو۔

## SATISH LPG STOCK

مشرق وسطی مانہہ جاری کشیدگی غے پیش نظر وزیر ستیش شرما نے اج مرکز غا زیر انتظام علاقہ مانہہ پٹرولیم مصنوعات غو ذخیرو تے فراہمی غو جائیزو لین بارے ایک اعلیٰ سطح میٹنگ غی صدارت کی۔ انہاں نے پٹرول ، ڈیزل ، مٹی غو تیل تے ایل پی جی غی دستیابی غے نال نال فیول ڈیپو تے سپلائی چینز غو وی جائیزو لیو۔ وزیر نے حکام تے تیل کمپنیاں نانہہ مناسب ذخیرو برقرار رکھن، بلا رُکاوت سپلائی نانہہ یقینی بنان تے ہنگامی منصوباں نانہہ تیار رکھن غی ہدایت جاری کی۔ انہاں نے زخیرہ اندوزی، بلیک مارکٹینگ تے زیادہ قیمت لان غے خلاف سخت چوکسی ور زور دتو۔ انہاں نے عوام نانہہ یقین دوايو جے حکومت صارفین غا مفادات غا تحفظ تے ایندھن غی ہموار تقسیم بارے پوری طرح پُر عزم ہے۔

## KAVINDER GUPTA

ہماچل پردیش غا نواں تعینات گورنر کونندر گپتا اج جموں پُجیا تے انہاں غی رہائش گاہ ور اُن غو استقبال کیو گیو۔ نامہ نگاراں سنگ گل بات کرتا واں انہاں نے کہیو جے جموں کشمیر تے ہماچل پردیش ایک جیسی ثقافت ، روایات تے ورثہ غی حامل ہیں۔ انہاں غو کہنو تھو جے جہڑی ذمہ داری انہاں نانہہ سونپی گئی ہے اس نانہہ پورو کرن غی کوشش کریں۔ غا انہاں نے اس عہدے ور تعیناتی ور صدر جمہوریہ غو شکریو وی ادا کیو۔ انہاں نے کہیو جے سیاحت ہماچل پردیش غی معشیت غی ویڈھ غی ہڈی ہے تے وے اس شعبہ نانہہ مزید فروغ دین ور کم کریں غا انہاں نے اس گل ور وی زور دتو جے منشیات گا استعمال تین نمڑنو ان غی اول نمبر ور ترجیح ہے۔ ذرائع ابلاغ سنگ گل بات کرتا واں اُن غو کہنو تھو.....

## PHONE SCHOOL UDH

ادھمپور غا اعلیٰ تعلیم افسر سبھاش گپتا نے تمام اساتذہ نانہہ ہدایت دتی ہے کہ تدریسی اوقات غے دوران جمارت غے اندر موبائل فون غو استعمال نہ کریں ۔ جاری کیا گیا سرکاری حکم نامہ غے مطابق، اساتذہ غی جانب تین موبائل فون غو استعمال تعلیمی ماحول نانہہ متاثر کرے تے طلبہ غی موثر تعلیم مانہہ رُکاوت بنے۔ اسکولاں غا پرنسپل ، ہیڈ ماسٹر تے زونل ایجوکیشن افسران نانہہ ہدایت دتی گئی ہے کہ وہ اپنا اپنا سکولاں تے علاقوں مانہہ اس حکم غی سختی سنگ نگرانی کریں۔ اعلیٰ تعلیم افسر غا دفتر نے خبر دار کیو ہے کہ اس ہدایت غی خلاف ورزی کرن آلاں غے خلاف قواعد غے مطابق سخت کاروائی کی جے غی۔ اس بارے مزید گل کرتا واں سی۔ای۔او ادھمپور سبھاش گپتا نے اس طرح کہیو.....



